

sima; *petalis* subrotundis, venosis, retusis: unguibus villosis. *Stamina* plurima, monadelpha. *Fructus* depressus, glaber, e carpellis plurimis constans, rotundis, compressis, latere radiatim sulcatis, dorso brevius bimarginatis: sulco alto intermedio, transversè rugosis.

Folia parùm angulata, potiùs integerrima, crenata, inferioribus tantùm trilobis, et ideò ab *Althaea rosea* Cavanillesii autorumque fortè diversa. An *A. striata* DeCand. Prodr. v. 1. 437.? olim in horto Celsiano culta, patrià ignotà.

TABULA 663.

ALCEA FICIFOLIA.

ALCEA caule stricto hirsuto, foliis cordatis crenatis rugosis 5—7-lobis, racemis terminalibus multifloris, petalis obcordatis venosis: unguibus carnosis pubescentibus.

*Alcea ficifolia*. Linn. Sp. Pl. 967.

*Althaea ficifolia*. Cavan. Diss. v. 1. 92. t. 28. f. 2. Willden. Sp. Pl. v. 3. 774. DeCand. Prodr. v. 1. 437.

*Althaea rosea hortensis maxima*, folio ficis. Tourn. Inst. 98.

In Cretà passim. D. Hawkins. In montibus Sphacioticis legit Sibthorp; ut et in agro Laconico. ♂ v. 2.

*Caulis* erectus, bi-tripedalis, densissimè tomentosus. *Folia*, et omnes partes virides, tomento stellato densissimo cinereo tecta, cordata, 5-loba, rugosa, denticulata, lobis acutiusculis: intermedio productiori, inferioribus saepiùs basi auriculatis. *Stipulae* subulatae. *Flores* in racemo longo terminali congesti, subsessiles, bracteis foliiformibus trilobis stipati, carnei, diametro 3-unciali. *Involucrum* 6-partitum, laciniis calyce aequalibus. *Calyx* 5-partitus, patentissimus. *Petala* obovata retusa, unguibus basi pilosiusculis. *Stamina* plurima, monadelpha; *antherae* albæ. *Styli* plurimi. *Fructus* glaber, omninò *A. roseae*.

Hanc rectè, ut opinor, celeberrimus Smithius meram habuit præcedentis varietatem. Tantùm differt foliorum forma, floribus magis sessilibus, minùs approximatis, et petalorum unguibus ferè depilatis. At species Sibirica, cui nomen *A. ficifoliae* jure pertinet, si distincta sit, foliis altiùs lobatis gaudens, laciniis magis obtusis, foliis superioribus hastatis, involucri calyce duplò brevioris, denique floribus luteis, fortè synonyma supra citata sibi vindicari debet.

a. Involucrum, et calyx, petalis divulsis, staminibus detectis.

b. Petalum.

c. Fructus maturus.

d. Carpellum unicum.

e. Ovarium paulò post anthesin, stylis abscissis.